

Этогыйҥын Иисус Христосын

1 То гиллин җанэнг'ылв'ыек, титэ Август-императорынак гэйыллин вэтгыльг'атгыйҥын переписькйит п'оптымыҥ Рим-империяк. 2 В'уччин виткукин перепись гиллин, титэ Сирияк мэйҥычг'у гиллин Квириний. 3 То ымыҥ гэлэлинэв' увик калечетынвыҥ, гэмгэг'уемтэв'илг'ын ченэн майҥынымнымэтыҥ. 4 То гэг'эзэв'лин г'опта Иосиф Галилеякэн майҥынымнымыҥжо Назаретыҥжо Иудея-нотайтыҥ Давидын майҥынымнымэтыҥ. Давидын майҥынымнымыннылг'ын Вифлеем. Иосиф гэг'эзэв'лин Вифлеемэтыҥ, мыев' җаен ынин чининкин майҥынымным Давид-яйычг'эн. 5 Ынно гэг'эзэв'лин увик йыкалэнатынвыҥ ынык матаёлқылҗав'нак Мариянак омакаҥ, Мария гиллин няньқылгын. 6 Вама җанко нг'эли г'ылв'ый, титэ ынно гакмиҗалин. 7 То ынан гайтолэн Акык, чининкин ынанвиткукин Акык, то гаймаклэн то гэччиллин Ынно ягыйнэкэнанава'ьятынвык, мыев' ыйкыҥ уйҥэ атвака йылқынво ямкылг'ыаяк. 8 То җанэннотак гиллинэв' пастуқав', юнэтылг'у йыг'аҗайҥынок то ныкита иненнюлг'у чинин җэлвылг'ык. 9 То ангел Этынвэн кытава'ут гэг'уев'лин ыйык янот, ганечгав'ленав' Этынвымалгыйҥа то ыччу унмык гэв'эюлг'эллинэв'. 10 То гив'лин ангел ыйкыҥ: «Кытыл эв'эюлг'эткэ, мыев' җун тыетык гэйқыйиг'этэ йыпҥылавык тойкыҥ: нымэйыҥҗин ег'атгыйҥын йитыҥ гамгаг'оамтава'элг'ыйкыҥ: 11 гайтолэн тойкыҥ эчги Давидын майҥынымнымык Эняннимайтатылг'ын, Ынно китыҥ Христосо, Этынво. 12 То в'ото гыйив'зэв' тойкыҥ: точгынан ялаг'олаҥыткы Лёвылг'ын, аймакылг'ын то йылтэлытвалг'ын ягыйнэкэнанава'ьятынвык». 13 То кытава'ут ангелынак омакаҥ гэг'уев'линэв' г'иг'ыкинэв' иनावийиҥычг'у, гайқымайҥыаҥъята Аҗаҥыкьет то гив'линэв': 14 «Эвын ныг'итын майҥыэчгатгыйҥын Аҗаҥыҥ г'иг'ык то нутэк малвагыйҥын

г'оямтав'элг'ың мэлү лыңылг'ың Аңаң!» 15 Титэ гэлқыллинэв'
ыйкаңжо ангелав' г'эг'этың, пастуқав' гаңволэнав' ивык ычгэльвың:
«Ток, мынг'ақав'ламык Вифлеемэтың то мынг'эталан мэки-қи Ҳанко
гиллин, еқыкйит Этынвын гив'лин мойкың». 16 То
ыччугайықчав'лэнав' пыкийык то гэлэг'улинэв' Мария то Иосиф то
Лёвылг'ын, йылтэлытвалг'ын яягыйнэкэнанава'ьятынвык. 17 Лэг'ук
ван Ынно, ганыпңылав'лэнав', еқың ыйкың гив'линэв' Лёвылг'ыкьет.
18 То ымың валомтэллг'о гав'алэлңаллэнав' ымың еқың гив'линэв'
пастуқав' ыйкың. 19 Мариянак ымың Ҳаеё в'аняво гэнумкэв'линэв'
чининчеткэюңык. 20 То гаяйтылэнав' пастуқав' гайқымалъэчгыпава
то гайқымайңыаңъята Аңаң, миңкые гив'лин ыйкың ангел.